



24. august 2018

UKA 2018/102

Inatsisartut Suleriaasianni § 36 naapertorlugu apeqquteqaat aallaavigalugu oqallisissiaq imaattoq matumuuna saqqummiuppara:

"17-nik ukiulinnut biilernermit allagartamik misiliutigalugu tunniussisarnissaq pillugu nalunaarut" 2017-mi januarip ulluisa aallaqqaataani atuutilersoq akuerissaneripput pillugu apeqquteqaat allaavigalugu oqallinnissamik siunnersuut.

(Inatsisartunut ilaasortaq Randi Vestergaard Evaldsen, Demokraatit)

"17-nik ukiulinnut biilernermit allagartamik misiliutigalugu tunniussisarnissaq pillugu nalunaarut" Danmarkimi ulloq 1. januaari 2017-mi atuutilerpoq.

Nalunaarut naatsumik oqaatigalugu isumaqarpoq, danskit 17-nik ukioqarlutik biilernermit allagartartaarsinnaalersut taamaallaalli biilersinnaallutik inersimasumik 30-t sinnerlugit ukiulimmik aammalu minnerpaamik ukiuni 10-ni biilernermit allagartaqarsimasumik biileqateqarlutik.

Pineqarpoq misiliineq ukiuni pingasuni atuuttussaavoq. Misiliinermut tunuliaqutaa voq, nunani allani misilittakkat takutissimammasuk, inuusuttut 17-nik ukiullit biileqateqarlutik biileraangamik, biilillaqqissinerusartut 18-nik ukioqarlutik namminneq biilersinnaanngoraangamik.

Taamaasilluni inuusuttoq biilertartoq biilersinnaanermut inersimasumik ikiuussinnaasumik pitsaasumillu siunnersuisinnaasumik peqateqarluni sungiusartarpoq. Tamanna pissutaalluni aqqusinikkut angallattut isumannaannerusulersartut oqaatigineqarpoq.

Danmarkimi misiliineq ukioq ataaseq ingerlareersorlu politikerit Isumannaatsumillu Aqqusinikkut Angallanneq pillugu Isumalioqatigiisit at oqaatigaat misilittakkat kusanartuusut. Aamma Tysklandimi, Hollandimi taamatullu Norgemi misilittakkat aamma pitsaapput. Oqariartuutip qitia tassaavoq aqqusinikkut angallannermi ajutoorsinnaaneq milliallarujussuartoq..¹

Isertuutissanngilarput Demokraatini kissaatigigatsigu Kalaallit Nunaat misiliinermut ilanngutissasoq. Taamaattumik 2017-mi aprilimi § 37 tunngavigalugu Naalakkersuisut pineqartoq pillugu apeqquteqarfigaagut. (Apeqqut normu 2017/132).

Naalakkersuisut akissutaat ima nipeqarpoq:

¹ <https://www.dr.dk/nyheder/politik/efter-et-aars-forsog-med-koerekort-til-17-aarige-v-klar-til-permanent-ordning>



"Naalackersuisut periarfissaqarsimangillat maannakkuugallartoq nalunaarut qimerlooqqissaassallugu. Taamaattumik nalilerneqarpoq aallaqqaammut naapertuunnerussasoq nalunaarut sukumiisumik misissoqqaaraanni Naalackersuisunit aalajangerneqartinnagu misiliinermut ilannguttoqassanersoq.

Paasinarsissagalarpat misiliineq Kalaallit Nunaanni aqqusinikkut angallannerup isumannaatsuunissaanut iluaqusiisinnaasoq taava tunngavissaqalersinnaavoq ilanngunnissarput. Naalackersuisunullu pingaarpoq pissutsit immikkoortut soorlu attaveqaqatigiinnerup ilusaa, büilernermut misilitsinnermut aamma malittarisassanut misilitsinnermut piumasagaatit kiisalu atortussanngortitsinnermut atatillugu aningaasartuuti il.il. sukumiisumik nalilersoqqaarnissaat Kalaallit Nunaanni Danmarkimilu taakkunani immikkoortuni assigiinngissutaasinnaasunut sanilliussilluni.

Allaffimmi sulisukka qinnuiginikuuakka danskit oqartussaaffiunut saaffiginnillutik suliamut tunngasut misissoqqissaassagaat".

Taamanili susoqanngilaq. Demokraatini taamaattumik isumaqarpugut inissaminiittoq apeqqummut partiit isumaat ujartussallugu neriulluta tamatuma kinguneriumaaraa Naalackersuisut sukkanerusumik sulilernissaat.

Tamassi oqallilluarnissassinnik kissaappassi.